

SOCIAL



Awe ta cumpli 5 aña, JOYCELINE SEME-LEER. E ta ricibi felicitacion di su mama, tata, su rumannan stima, Franklin y Sergio, su wela y welonan, tur su primonan y tambe su amiguitanan di Cayena Kleuterschool, su juffrouw Elliertje y tambe di Ilario y di Diario.



Awe ta cumpli un aña mas di bida HENDRIK TROMP. E ta haya hopi felicitacion di su mama, su señora, su tres yiunan y tur su rumannan, tambe coleganan di trabao Tamarijn Hotel y demas famia y di Diario.



Ayera a cumpli aña señor HAIME TROMP. E ta ricibi hopi felicitacion di su querida esposa, 5 yiunan, un nieto, mayornan rumannan, tanta-omonan, swanan, y demas amistades y coleganan di trabao y tambe di Diario.

CURSO DI BIJBEL GRATIS

PA MAS INFORMACION YAMA: 25963 - 25142



E siman aki e restarant cu tabata tin e nomber Salon Internacional na Holiday Inn a habri su portanan oficialmente alavez e la haya su nomber nobo "Le Salon". Le Salon ta completamente cambia y drecha, y dorna cu matanan tropical. E foto aki riba ta mustra ora e prome huespednan, dos pareha americano, sr. y sra. Giambor y sr. y sra. Ferretti ta corta e sinta cora y asina ta habri porta oficial di e restaurant, Tambe ariba e potret por ser mira na drechi sr. Robin Parmenter (Food & Bevarage Director), sr. Brain Reeve (Operations Manager), y sr. Jan de Ruyter (General Manager) den centro.



Sr. Jan Lacle ayera ariba dia di su cumpleaños a ser sorprende cu un surprise party na Tivoli Club. Esaki ta momento cu su señora Regina Lacle hunto cu Sra. Stella Croes, ta guia Sr. Lacle, pasando rond di invitadonan pa cuminza e celebracion grandi cu a tuma lugar y unda Sr. Lacle mes a corta su bolo di cumpleaños.

Hefe Cont. di pag. 5

patientnan p.p.d. y muchanan di school ta ser trata cu poco rechazo y na varios ocasion ta suspendi esaki? No pasobra e dentistanan ta ser paga poco placa pa nan trabao. Nan ta ricibi un salario full time pa 3 mitar dia pa siman di trabao (30 por ciento). Esaki a existi historicamente: e resto di 70 por ciento di salario ta pa e inversionnan caro cu ta ser poni disponibel pa dentistanan. Pero si bo tuma e 70 por ciento bo por haci inversionnan astronomico tambe.

"Mi a haci calculacion en conexcion cu e problemanan anterior, cuanto trabao di cuido dental ta

ser haci pa 9 salario, pa muchanan di school y patientnan p.p.k. Calculando basa ariba tarifa particular, mi a yega na total di 4 dentista. Mi ta admiti cu e prome 4 dentistanan e tempo ey no por a haci nada contra y cu mester a bin di 5 dentista. Pero lo bo ta spera mas disponibiidad tambe di expansion di tarea. Mi lo no a spera di nan tam-poco e critica cu ta ser haci aribae tecnico adicional cu no ta traha suficiente.

Mi conclusion di tur e experiencianan aki ta cu e sistema totalitario (lagami bisa :comunista) di duna un salario pa un tarea sin claridad, no ta funciona na Aruba (tam-

poco na Rusia). Nos mester elimina e sistema di p.p.k. y re-emplaza esaki door di un sistema particular, mas barata y mihor

pa e hendenan. Un conseho den e direccion aki a ser manda pa Bestuurscollege", Dr. Janssen a laga sa.

Comunidad europea a condena Suriname

NEW YORK: E paisnan cu ta forma comunidad Europeo den e reunion di Nacionnan Uni, a pone Suriname den un liña cu dictaduranan manera Chile y Paraguay.

Segun e ministro di asuntonan di exterior di Belgica Jacques Poos cu a representa comunidad Europeo, un aña pasa comunidad Europeo a expresa e speranza cu lo

continua cu e proceso di democratizacion den america latina. Actualmente paisnan na america latina conoce algun excepcion cu ta Chile, Paraguay y Suriname, cu no ta paisnan democratico y cu regimennan pluralismo.

Tabata prome biaha cu e presidente di comunidad europeo a menciona Suriname den Nacionnan Uni.